

ՀՈՎՍԵՓ ԼԱՋՅԱՆ

Գ. Հ. ՕՂԱՆՑԱՆ

Հովսեփ Գերասիմի Լազյանը ծնվել է 1888 թ. հունիսի 7-ին, Թիֆլիսի նահանգի Ախալցխա քաղաքում, հացթուխի ընտանիքում: Երկու տարի սովորել է տեղի ուսումնարանում: Ուսման պակասը լրացրել է ինքնակրթությամբ: Տնտեսական ծանր պայմանները նրան հարկադրում են 9 տարեկան հասակում աշխատանքի ընդունվել տպարանում: Տպագրական աշխատանքին զուգընթաց նա հետևողականորեն զբաղվում է ինքնազարգացմամբ: Հ. Լազյանի հեղափոխական հայացքների ձևավորման գործում վճռական դեր են խաղացել նրա ավագ եղբայրները, Ախալցխա աքսորված սոցիալ-դեմոկրատները, ուսանող ընկերները, հեղափոխական ռուս զինվորները:

Հ. Լազյանը 1905 թ. հարում է Ախալցխայում կազմակերպված սոցիալ-դեմոկրատական խմբի բոլշևիկյան թևին: Նա աշխատավորների շրջանում պրոպագանդում է համերաշխություն, բացատրում ՌՄԴԲԿ ծրագիրը: Նա միաժամանակ հեղափոխական գրականություն էր տարածում տեղի զինվորական կայազորում, տպագրում կուսակցական գաղտնի փաստաթղթեր, բանվորներին զործադուլի կոչում:

1905 թ. Ախալցխայի բանվորական առաջին գործադուլին ակտիվ մասնակցելու համար Հ. Լազյանը հեռացվում է աշխատանքից:

1907 թ. ամռանը Ախալցխայում կազմակերպվում է ՌՄԴԲԿ կազմակերպություն, որի անդամներից էր Հ. Լազյանը: Նա այստեղ բոլշևիկյան խմբի հիմնադիրներից մեկն էր: Խումբը կապեր էր պահպանում Թիֆլիսի բոլշևիկյան կազմակերպության հետ, ստանում ցուցումներ, հեղափոխական ընդհատակյա աշխատանքներ կատարում կայազորի զինվորների շրջանում¹:

Հեղափոխական գործունեության պատճառով Հ. Լազյանը 1908 թ. վերջերին զորակոչվում է բանակ և ուղարկվում Մերձբալթիկա: Զինվորական ծառայության մեծ մասը նա անց է կացնում Ռիգայում, ուր կապ է հաստատում ընդհատակյա բոլշևիկյան կազմակերպությունների հետ և հեղափոխական աշխատանք է տանում զինվորների շրջանում:

1912 թ. սկզբներին նա ավարտում է զինվորական ծառայությունը և հեղափոխական աշխատանքներ կատարելու նպատակով մնում Ռիգայում: Աշխատանքի է անցնում Միլլերի մասնավոր տպարանում, որպես հավաքող բանվոր և անդամագրվում Վոլոդարական կենտրոն՝ բոլշևիկյան կազմակերպությանը²:

Մերձբալթյան երկրամասում այդ ժամանակաշրջանում կազմակերպվում էին բանվորական ակումբներ: Հ. Լազյանը անդամագրվում է գրեթե բոլոր նո-

1 Տե՛ս Կիրովականի երկրագիտական թանգարան (այսուհետև՝ Կիրովականի թանգարան)։
Հ. Լազյանի գործ, թ. 17։

2 Նույն տեղում։

րակադմ ակումբներին, մասսայական ագիտացիոն-պրոպագանդիստական աշխատանք ծավալում բանվորների շրջանում:

1912 թ. Ռիգայում և ամբողջ Մերձբալթիկայում տեղի է ունենում ընդհանուր գործադուլ, որին մասնակցելու համար Հ. Լազյանը հեռացվում է աշխատանքից: Մի բանի ամիս անց՝ նրան հաջողվում է աշխատանքի անցնել «Մերձբալթյան երկրամաս» թերթի տպարանում³:

Հ. Լազյանը որպես «Օբրադովանի» բանվորական ընկերության անդամ 1912—1913 թթ. Ռիյալի բանվորական միտինգներում և գաղտնի ժողովներում բաղմիցս ելույթներ է ունենում:

Այդ ժողովներից մեկում նա ընդարձակ զեկուցում է կարդում Ա. Բերելի կյանքի ու հեղափոխական գործունեության մասին:

1913 թ. օգոստոսին ոստիկանության պահանջով նա հեռացվում է աշխատանքից և արտաքսվում Ռիգայից⁴:

Հ. Լազյանը կուսակցական ընկերների աջակցությամբ մեկնում է Գերմանիա և դառնում ականավոր հեղափոխական Ա. Կասպարովի ղեկավարության գործող Պիրոգովի անվան ուսանողական երիտասարդական ընկերության ակտիվ անդամ: Նա ագիտացիոն մասսայական աշխատանք է տանում ուսու, լեհ, լատիշ բնակչության շրջանում, մասնակցում մենշևիկների դեմ կազմակերպված բանավեճերին, հաճախում քաղաքատնտեսության դասընթացներ, լսում Ռ. Լյուքսեմբուրգի դասախոսությունները:

Առաջին համաշխարհային պատերազմի տարիներին Հ. Լազյանը կապեր է հաստատում սոցիալ-դեմոկրատիայի ռադիկալների խմբի, ապա՝ «Սպարտակ» միության հետ և կատարում հեղափոխական աշխատանք⁵:

Հոկտեմբերյան հեղափոխության լուրը Հ. Լազյանն ստանում է Բեռլինում: 1918 թ. սպարտակյանների օգնությամբ ռազմագերիների հետ վերադառնում է հայրենիք և նույն թվականի փետրվարին հասնում է Բաքու: Բաքվի կոմունայի ռազմահեղափոխական կոմիտեն նրան նշանակում է «Կավակազ-սկայա Կրասնայա Արմիա» թերթի պատասխանատու քարտուղար⁶: Կոմունայի անկումից հետո Հ. Լազյանը տեղափոխվում է Աստրախան:

Ցարիցիներ ու Ասարախանը Սովետական Ռուսաստանին սննդամթերք և վառելիք մատակարարող միակ կետերն էին: Այստեղ, Վոլգայի գետաբերանում, նրա միջին հոսանքի ափերին տրոշվում էր սովետական հանրապետության բախտը: Անտանտի իմպերիալիստները Կոլչակի, Կրասնովի և Դենիկինի սպիտակգվարդիական բանակների միջոցով փորձում էին սովետական իշխանությունը խեղդել հենց այս շրջանում: Բոլշևիկների կուսակցության Կենտկոմը Վոլգայի ստորին հոսանքներում Անտանտի և սպիտակ գվարդիականների պլանները ձախողելու պատասխանատու կազմակերպիչ ու ղեկավար էր նշանակել ականավոր լենինյան Ս. Մ. Կիրովին:

3 Տե՛ս նույն տեղում, թ. 18, էջ 1:

4 Տե՛ս Ա. Վարդանյան, «Բոլշևիկյան Դանկոն» («Լենինյան ուղիով», 1961, № 3, էջ 87):

5 Կիրովականի թանգարան, թ. 18, էջ 1:

6 Նույն տեղում, թ. 17, էջ 6:

7 Ա. Վարդանյան, նշվ. աշխ., էջ 87:

Վոլգայի գետաբերանը պաշտպանում էր 11-րդ կարմիր բանակը, որին և որպես քաղաշխատող զինվորագրվում է Հ. Լազյանը: Այստեղ նա հիմնադրում և խմբագրում է «Կրասնի վոին» օրաթերթը⁸: Թերթի պատասխանատու քարտուղարն էր Գոհար Թարմանյանը (որի հետ Հ. Լազյանը 1919 թ. ամուսնանում է): Թերթը խմբագրելուց բացի, 1918—1920 թթ. Հ. Լազյանը ղեկավար աշխատանքներ է կատարում Աստրախանի նահանգային կուսակցական կոմիտեում, նախ որպես նահանգային կոմիտեի անդամ, ապա՝ նախագահ: Նա միաժամանակ նավաստիական համալսարանում և հրամանատարական կուրսերում քաղաքատնտեսության հարցերի շուրջ կարդում է դասախոսություններ: 1919 թ. նահանգային կուսակցական կոնֆերանսը Հ. Լազյանին ընտրում է ՌԿ(Բ)Կ VIII համագումարի պատգամավոր⁹:

Անտանտի երրորդ արշավանքի ժամանակ Հ. Լազյանը Բաքվից (ուր նա սովետի և նրա գործադիր կոմիտեի անդամ էր) որպես կամավոր մեկնում է Արևմտյան ռազմաճակատ, նշանակվում բանակի հրամանատարի և հեղկոմի նախագահի տեղակալ և հիմնադրում ու խմբագրում 4-րդ բանակի «Կրասնի սալդաթ» թերթը¹⁰:

Հ. Լազյանը ամբողջ լեհական ճակատամերձ գոտում կազմակերպում է հեղկոմներ, որոնք նպաստում են ինտերվենտների ջախջախմանը, ժողովներում և միտինգներում մերկացնում է սովետների ու բոլշևիկների հասցեին ծնվող ամեն մի հերյուրանք, ինտերվենտների դեմ մղվող պայքարում համախմբում աշխատավորներին:

Հ. Լազյանը 1920 թ. աշնանը մեկնում է Բաքու և նորից զինվորագրվում 11-րդ կարմիր բանակին, ընտրվում է Ադրբեջանի կոմունիստական կուսակցության II համագումարի պատգամավոր: Բաքվում եղած ժամանակաշրջանում Հ. Լազյանը խմբագրում է Ադրբեջանի կոմկուսի Կենտկոմի օրգան «Իզվեստիա» թերթը¹¹:

Հայաստանում խորհրդային կարգերի հաստատումից հետո Հ. Լազյանը նշանակվում է Դիլիջանի արտակարգ կոմիսար: Այնուհետև կանչվում է Երևան և Հայաստանի Հեղկոմի հանձնարարություններ կազմակերպում հայկական կարմիր բանակի քաղաքափին: Այդ մասին Հեղկոմի ռազմական ժողկոմի հրամանում կարդում ենք՝ «Հայտարարում եմ ի ղեկավարություն, որ սույն թվականից հիմնվում է ՀՍԽՀ կարմիր բանակի քաղաքական վարչություն, քաղաքական վարչության վարիչ նշանակվում է ընկեր Հ. Լազյանը»¹²:

Որոշ ժամանակ անց՝ Հ. Լազյանը նշանակվում է Հայաստանի ռազմական ժողկոմի տեղակալ¹³:

Այդ ժամանակ խռովա ռազմա գոտում¹⁴ գյուղացիությունը կուսակցական կազմակերպությունների ղեկավարությամբ պատրաստվում էր ապստամբություն:

⁸ Տե՛ս Կիրովականի թանգարան, Թ. 17, էջ 6:

⁹ Նույն տեղում:

¹⁰ Նույն տեղում:

¹¹ Նույն տեղում:

¹² Հոկտեմբերյան սոցիալիստական մեծ ռեյոլուցիան և սովետական իշխանության հաղթանակը Հայաստանում, Երևան, 1960, էջ 424:

¹³ Տե՛ս Կիրովականի թանգարան, Թ. 17, էջ 7:

¹⁴ Անգլո-ֆրանսա-ամերիկյան իմպերիալիստների հրահրումով 1918 թ. վերջերին պատերազմ ծագեց դաշնակցական Հայաստանի և մենշևիկյան Վրաստանի միջև: Անտանտի կառու-

ՀԿ(բ)Կ Կենտկոմը և Հայաստանի Հեղկոմը «չեզոք գոտու» գյուղացիության ապստամբության պատասխանատու կազմակերպիչ ու ղեկավար են նշանակում Հ. Լադյանին: 1920 թ. դեկտեմբերի վերջերին նա ժամանում է Ղարաբաղի խոսա: Հ. Լադյանի մարտական ուղու ամենափառավոր էջն է Լոռվա «չեզոք գոտու» գյուղացիական ապստամբության հաղթանակի կազմակերպումն ու ղեկավարումը:

Ղարաբաղի խոսայի գավառային Հեղկոմի հետ Հ. Լադյանն անմիջապես կազմակերպում է ապստամբական շտաբ, որը գործում էր գաղտնի՝ դասալքության դեմ պայքարի անվան տակ:

Հ. Լադյանը Ղարաբաղի խոսայից առաջին հերթին վտարում է մենշևիկյան լրտեսներին, երկաթուղային կայարանի միլիցիան մաքրում անհուսալի ծառայողներից: Նա այնուհետև ձեռնամուխ է լինում ապստամբության նախապատրաստմանը: Լոռվա գյուղացիներին օգնություն ցույց տալու նպատակով կազմակերպում է զինվորական ջոկատներ, որոնցից մեկին տրվում է «Ղարաբաղի խոսայի պարեկային գումարտակ» անունը:

Շուտով հայտնի է դառնում, որ մենշևիկները ականապատել են Զամանլուի երկաթուղային կամուրջը: Հ. Լադյանի անմիջական նախաձեռնությամբ կամրջի շրջանում, Շահալի երկաթուղային կայարանում Արտաշես Ստեփանյանի ղեկավարությամբ կազմակերպվում է գաղտնի կենտրոն:

Հ. Լադյանի հաջորդ կարևորագույն խնդիրը դառնում է Լոռվա գյուղերում ընդհատակյա կազմակերպություններ ստեղծելն ու զինելը: Նրան հաջողվում է սերտ կապեր հաստատել անլիզալ կուսքիջների ու պարտիզանական ջոկատների հետ, կազմակերպել նորերը, զենք տեղափոխել:

Նա «չեզոք գոտու» հայ, ռուս, հույն, ադրբեջանցի բնակչության մեջ ծավալում է ինտերնացիոնալ պրոպագանդա, կազմակերպում համատեղ գործող ջոկատներ, աշխատանքի մեջ ընդգրկում բազմաթիվ վրացի զինվորների:

Հ. Լադյանի խնդրանքով Ս. Օրջոնիկիձեն ցուցում է տալիս կարմիր բանակի հրամանատարությանը Լոռվա ապստամբներին օգնելու համար: 1921 թ. փետրվարի սկզբներին Ղարաբաղի խոսայում 11-րդ կարմիր բանակի հրամանատար Գեկկերի և ռադմահեղափոխական խորհրդի անդամ Վեսնիկի հետ Հ. Լադյանը մշակում է ռազմական գործողությունների և կարմիր բանակի օգնության պլանները:

1921 թ. փետրվարի 7-ին Հ. Լադյանի ղեկավարությամբ կազմակերպվում է Լոռվա ռադմահեղափոխական կոմիտե, որի նախագահն էր Գրիշա Առուստամյանը, իսկ անդամները՝ Ս. էվոյանը, Ս. Սարգսյանը և այլք¹⁵:

Զինված ապստամբությունն սկսելու նախօրյակին Հ. Լադյանը զեկուցում է ռազմական ժողովում Ա. Նուրիջանյանին, որ ապստամբության նախապատրաստական աշխատանքներն ավարտված են և որոշված է սկսելու ժամկետը:

վարական շրջանները «հաշտեցրին» պատերազմող կողմերին և Լոռին 1919 թ. սկզբներին հայտարարեցին «չեզոք գոտի», որի կառավարիչ նշանակվեց սկզբում անգլիական, ապա ամերիկյան կոմիսար: 1920 թ. աշնանը, թուրքական նոր ասպատակությունների օրերին Հայաստանի ամերիկյան կառավարիչները մեկնեցին Թիֆլիս և դաշնակցական կառավարության համաձայնությամբ «չեզոք գոտին» հանձնեցին մենշևիկյան Վրաստանին:

15 Գ. Ղարաբաղյան, Հայաստանի կոմունիստական կազմակերպությունները սովետական իշխանության հաղթանակի համար մղած պայքարում, Երևան, 1955, էջ 446:

Այնուհետև մարտական հրամաններ է տալիս տեղամասերի հրամանատարներին: Դրանցից մեկում կարդում ենք. «Հրամայում եմ Ձեզ փետրվարի 11-ի լույս 12-ի գիշերվա ժամը 2-ին զինաթափել չեզոք գոտում գտնվող վրացական զինվորական մասերը և գրավել հոշորի գիծը, Սուրբ-Սարգիս սարը... Ձեզանից աչ գործելու են Ղազախի և Շենդի պարտիզանները, որոնց առաջարկված է գրավել Արձիս—Ճոճկան—Բրդաձոր գիծը Փամբակաձորը փակելու և թշնամու կողմից ապստամբական շրջանները ներխուժելու հնարավոր վտրձերը ձախողելու նպատակով: Ձեր խնդիրը կատարելու համար տրամադրվում է 400 հետիոտն զինվոր, որոնցից 150-ը կամուրջը փրկելու համար: Ապստամբական շտաբը և ընդհանուր ռեզերվները կգտնվեն Քոլագիրան կայարանում»¹⁶: Ապստամբությունն սկսվում է նշված ժամկետին:

11-րդ կարմիր բանակի օգնությամբ Հ. Լազյանի ղեկավարած պարտիզանական ջոկատները 2—3 օրվա ընթացքում «չեզոք գոտին» մաքրում են մենշևիկյան զավթիչներից:

Լոռում և Թորլալում հաստատվում են սովետական կարգեր: Հայաստանում սովետական կարգերի հաղթանակի և ամրապնդման համար մղված պայքարի տարեգրության պայծառ էջերից մեկը դարձավ Լոռվա գյուղացիության հաղթանակը: Հ. Լազյանի ղեկավարությամբ կոչ է հրապարակվում՝ ուղղված Վրաստանի աշխատավորներին, որտեղ ասվում է, որ վրացի հարյուրավոր ազնիվ զինվորներ միացել են ապստամբներին և զենքն ուղղել ատելի մենշևիկների դեմ¹⁷:

Ապստամբության հաղթանակից անմիջապես հետո Հ. Լազյանի ղեկավարությամբ կազմակերպվում է Լոռվա ինտերնացիոնալ գունդ, որն օգնության է հասնում փետրվարի 16-ին ապստամբության դրոշ պարզած Վրաստանի աշխատավորներին: 1921 թ. փետրվարի 25-ին 11-րդ կարմիր բանակի զորամասերի օգնությամբ Վրաստանում հաստատվում են սովետական կարգեր:

Սովետական կառավարությունը բարձր է գնահատել Հ. Լազյանի անձնուրաց ծառայությունը «չեզոք գոտում» ապստամբության հաղթանակը կազմակերպելու ու ղեկավարելու գործում և պարգևատրել նրան «Կարմիր դրոշի» շքանշանով:

Վրաստանում սովետական իշխանության հաղթանակից հետո Հ. Լազյանը նշանակվում է ՀԿ(Բ)Կ ԿԿ-ի ներկայացուցիչ Վրաստանում և ծավալում ագիտացիոն մասսայական աշխատանք հայ և վրաց ժողովուրդների եղբայրական կապերն ամրապնդելու, տնտեսական և քաղաքական համագործակցություն հաստատելու ուղղությամբ:

1921 թ. մարտին Լոռվա պարտիզանական ջոկատներից կազմվում է 4-րդ գունդ, որը կարմիր բանակի մյուս զորամասերի հետ միասին ուղարկվում է Զանգեզուր՝ դաշնակցական արկածախնդրությունը ջախջախելու¹⁸: Գնդի հրամանատար է նշանակվում Հ. Լազյանը, որը հիմնադրում է «Կարմիր Զինվոր» թերթը:

¹⁶ Տե՛ս Կիրովականի թանգարան, ք. 9:

¹⁷ Հոկտեմբերյան սոցիալիստական մեծ ռևոլյուցիան և սովետական իշխանության հաղթանակը Հայաստանում, էջ 481:

¹⁸ С. Карапетян, Коммунистическая партия в борьбе за победу октябрьской революции в Армении, Ереван, 1959, стр. 398.

Դաշնակցական արկածախնդրությունը անշեղուց հետո, Հ. Լազյանը նշանակվում է Հայկական դիվիզիայի քաղաքաժնի պետ:

1922 թ. Լազյանը ուղարկվում է Մոսկվա՝ Մարքսիզմի դասընթացներում սովորելու: Կովկասյան բյուրոյի քարտուղար Նազարեթյանի՝ Ռկ(բ)Կ ԿԿ-ին հասցեագրված դրուժյան մեջ Հ. Լազյանի մասին ասված է. «Նրա դասախոսությունները, ճառերն ու հոդվածները կարմիր բանակայինների և աշխատավորների կողմից ընդունվում էին մեծ հիացմունքով ու հաջողությամբ: Ամենուրեք, ուր նրան կուսակցությունը ուղարկել է, ցուցաբերել է եռանդ, հմտություն, հերոսական համարձակություն և պրոլետարական հեղափոխությանը կոմունիստաբար նվիրվածություն»¹⁹, Քաղաքացիական կռիվների ակտիվ մասնակից Լ. Վարդանյանի վկայությամբ, Հ. Լազյանը ղդայուն ընկեր էր, հոգատար կոմիսար: «Կարմիր բանակայինները գիտեին,— գրում է նա,— որ, ԼԹԵ նա ինքնազոհության կոչ է անում, ապա ինքը առաջինը պատրաստ է զոհվելու ժողովրդի բարօրության, կոմունիստական գաղափարների հաղթանակի համար»²⁰:

Հեղափոխական ընդհատակում, քաղաքացիական կռիվներում, խաղաղ շինարարական աշխատանքներում միշտ ավանգարդում ընթացող Հ. Լազյանն ուսման մեջ նույնպես առաջավորների շարքերում էր: Սովորելու ժամանակ նա կատարել է կուսակցական-մասսայական աշխատանք: Նշված դասընթացներն ավարտելուց հետո 1923—1930 թթ. նա մի շարք պատասխանատու աշխատանքներ է կատարել Մոսկվայի կուսակցական կազմակերպություններում:

1930 թ. աշնանը ՀամԿ(բ)Կ ԿԿ Հ. Լազյանին ուղարկում է «Կարմիր պրոֆեսուրա», ուր նա սովորում է միջազգային քաղաքականության և միջազգային էկոնոմիկայի ինստիտուտում: Պրոֆեսուրան ավարտելուց հետո Հ. Լազյանը մեկնում է Լոնդոն՝ տնտեսական և դիվանագիտական աշխատանքի:

1934—1937 թթ. նա աշխատում է Լոնդոնի ՍՍՀՄ առևտրական ներկայացուցչությունում, որպես տնտեսագետ: Նա միաժամանակ ՏԱՍՍ-ի թղթակից էր և սովետական բոլոր հիմնարկների միացյալ կուսկազմակերպության քարտուղար:

1937 թ. մարտին Հ. Լազյանը վերադառնում է Մոսկվա և նշանակվում ՌՍՖՍՀ լուսժողկոմատի ուսումնա-մանկավարժական բաժնի վարիչ: Հ. Լազյանը մինչև իր կյանքի վերջը (1943 թ.) հավատարիմ մնաց լենինյան գաղափարներին:

Հ. Լազյանի կյանքն ու հեղափոխական գործունեությունը մարքս-լենինյան գաղափարներին, սոցիալիստական հայրենիքին անսահմանորեն նվիրվածության և երիտասարդության կոմունիստական դաստիարակության համար փայլուն օրինակ է:

¹⁹ Կիրովականի թանգարան, թ. 19:

²⁰ Ա. Վարդանյան, նշվ. աշխ., էջ 89:

ИОСИФ ЛАЗЬЯН

Г. А. ОГАНЯН

Резюме

В 1907 г. Лазьян И. Г. вступил в ряды РСДРП и стал одним из организаторов большевистской группы в Ахалцихе. После демобилизации из рядов царской армии в 1912 г., вплоть до Октябрьской революции в Риге, а затем в Берлине, он умело сочетал свою профессию полиграфиста с активной подпольной революционной деятельностью.

Важное место в многогранной революционной деятельности Лазьяна занимает организация и руководство борьбой лорийских крестьян за победу Советской власти.

Всюду — в борьбе за Советскую власть, в армии, в московских парторганизациях, в советском посольстве в Лондоне, — где работал Лазьян, всегда он оставался непоколебимым ленинцем. Вся его жизнь и деятельность — яркий образец пролетарского интернационализма и советского патриотизма, лучший пример для коммунистического воспитания подрастающего поколения.